

Klankgids



Die Potch-trio – Human Coetzee, Albie van Schalkwyk en Piet Koornhof – gee vanaand die eerste uitvoering van die Kaapse komposis Hendrik Hofmeyr se Klaviertrio.

KUNSMUSIEK

Stadsaal, Smithst. Dbn. (Vandag 19:30): Wêreldsimfoniereeks: Verjaardagviering. KZN Filharmonie, Durban-kamerkoor, Drakensberg-seunskoor & Cleremont-koor o.l.v. Leslie Dunner en soliste Hanji Stapela (sop), Violina Anguelov (mez-sop), Muse Nkuna (ten) & Fikile Mvinjelwa (bar) met Bach (*Suite no. 3*), Beethoven (*Koorsimfonie no. 9*). ☎ 031 369 9438.

Konservatoriumsaal, NWU-kampus, Vanderhoffweg, Potchefstroom (Vandag 19:30): Rektorskonsert. Potch-trio – Piet Koornhof (viool), Human Coetzee (tjel) en Albie van Schalkwyk (klav) – met trio's van Hofmeyr (Première: *Trio*), Mendelssohn (Op. 49), Mozart (K548). ☎ 018 299 1692.

Linder, h.v. St. Andrews & Queen, Parktown, Jhb. (Vandag 20:00): JPO 4de seisoen. Jhb. Philharmonic o.l.v. Michael Collins & Collins (klar) met Mozart (*Serenata no. 10: Gran partita*, K361; *Simfonie no. 25*, K183). R80 tot R160. ☎ 011 789 2733.

Theatre on the Square, Mandelaplein 121, Sandton (Môre 12:30): Etensuurkonsert. Srđjan Cuca (viool) & Annalien Ball (klav) met Mozart (*Vioolkon-sert no. 2*), Sarasate (*Carmen-fantasie*), Vivaldi (*Sonate no. 3*). R20. ☎ 011 807 0297.

Fada-atrium, UJ-kampus, Buntingweg, Auckland Park, Jhb (Vry. 19:30): UJ-koor o.l.v. Renette Bouwer. ☎ 011 5593 058.

■ Kunsmusiek, opera- en ballet-gidse verskyn voortaan Saterdag op Saterdag. Plus op Saterdag.

Hofmeyr behaal tweekuns in Potch

'n Tweede première binne 'n maand van 'n SA komponis in Potchefstroom.

Dit is die seldsame gebeurtenis wat die Kaapse komponis Hendrik Hofmeyr te beurt val wanneer sy trio vir viool, tjello en klavier Donderdagaand in die NWU se Konservatoriumsaal uitgevoer word.

By die pas afgelepe Aardklop is Hofmeyr se Vioolsonate deur die Johannes-burgse duo, die violis Zanta Hofmeyr en die pianis Malcolm Nay, vir die eerste keer uitgevoer. Donderdag om 19:30 is die Potch-trio aan die beurt met sy Klaviertrio.

Die violis Piet Koornhof en die tjellis Human Coetzee van Potch, en die Bloemfonteinse pianis Albie van Schalkwyk begin die program met die



Die Potch-trio – Human Coetzee, Albie van Schalkwyk (voor) en Piet Koornhof.

Klaviertrio in C, K548, van Mozart. Dan volg die Hofmeyr-première. Vanjaar se meesterkonsertreeks in dié stad word afgesluit met die Klaviertrio in d, op. 48, van Mendelssohn.

Kaartjies kos R50 en R30 vir seniors en studente en kan van 19:00 by die musiekskool-loket gekoop word. Vir navrae, kontak ☎ 018 299 1692.

Beeld Plus 21/10/2008